

Na osnovu člana 72. Zakona o javnim nabavkama Bosne i Hercegovine („Službeni glasnik BiH“ br. 39/14), člana 7. alineja b) Pravilnika o postupku direktnog sporazuma („Službeni glasnik BiH“ br. 90/14), člana 10. stav (1), alineja b) Pravilnika o postupku direktnog sporazuma KJU „Gerontološki centar“ Sarajevo i Odluke br. 11-1673-2/17. od 14.11.2017.godine, ugovorne strane:

1. **KANTONALNA JAVNA USTANOVA „GERONTOLOŠKI CENTAR“ SARAJEVO**, ul Aleja Bosne srebrene br.7., registrovan kod Općinskog suda u Sarajevu, matični broj subjekta upisa: 65-05-0223-09 (stari broj 2-3), identifikacijski broj kod Porezne uprave FBiH Kantonalni ured Sarajevo 4200092250001, koga zastupa Direktor Ismet Skoko, mr.sci.ecc. (u daljem tekstu: Ugovorni organ)

i

2. **„JAPET“ d.o.o. iz Sarajeva, ul. Obala Kulina bana br.4.**, registrovan kod Općinskog suda u Sarajevu (matični broj subjekta upisa: 65-01-1282-09, stari broj 1-12672), identifikacijski broj kod Porezne uprave FBiH Kantonalni ured Sarajevo 4200222720005, identifikacijski broj obveznika PDV 200222720005, koga zastupa Direktor društva Haljevac Amer ( u daljem tekstu: Izvršilac usluga)

Dana 14.11.2017.godine, u Sarajevu, zaključuju:

### UGOVOR O IZVRŠENJU USLUGA

#### Član 1.

Ugovorne strane su saglasne da Izvršilac usluga za potrebe Ugovornog organa izvrši **uslugu instalacija i reinstalacija softvera JAPET VIKING na dodatnim radnim stanicama sa dodatnom obukom na modulima blagajna i stalna sredstva**, a prema zahtjevu Ugovornog organa broj: 11-1673-1/17 od 14.11.2017.godine i svojoj Ponudi br. 428-02-11/2017 od 14.11.2017. godine.

#### Član 2.

Ugovorne strane su saglasne da ukupna cijena usluga iz člana 1. ovog Ugovora iznosi **1.455,00 KM bez PDV-a, odnosno 1.702,35 KM sa PDV-om i sa već uračunatim popustom u cijenu.**

Ugovorni organ se obavezuje da plaćanje za obavljene usluge izvrši na transakcijski račun Izvršioca usluga broj: **161000006600031**, otvorenog kod Raiffeisen bank Sarajevo, i to u punom iznosu u roku od **10 (deset) dana** po prijemu fakture-računa za uredno izvršenu uslugu.

Ugovorena cijena usluga iz stava (1) ovog člana je fiksna i ne može se mijenjati do potpunog okončanja ugovorenih poslova i u slučaju eventualnih promjena cijena predstavljat će osnov za raskid ovog Ugovora.

#### Član 3.

Rok za izvršenje predmetne usluge je **tri** radnih dana, u kom roku se Izvršilac usluge obavezuje da instalira program na lokalnu mrežu i isti implementira, odnosno izvrši instalaciju softvera Japet Viking na 4 (četiri) dodatne radne stanice, da izvrši dodatnu obuku na modulima Blagajna i stalna sredstva, te izvrši reinstalaciju 3 radne stanice.

Izvršilac usluga se obavezuje da instalirane module uskladi i po potrebi ažurira prema važećim zakonskim i podzakonskim propisima, te da osigura njihovu punu funkcionalnost, kao i zaštitu i sigurnost podataka.

Izvršilac usluga se obavezuje da zaposlenike Ugovornog organa, koji će koristiti instalirane module, prije početka rada, educira i obuča za adekvatno korištenje, te da im tokom korištenja modula pruži punu podršku i pomoć, uključujući i otklanjanje grešaka koje se pojave tokom implementacije modula.

Prilikom instaliranja programskih modula Izvršilac usluge će iskoristiti sve elemente postojećeg informacionog sistema koji se mogu iskoristiti.

Izvršilac usluge će pružiti šestomjesečnu podršku i održavanje nakon instaliranja programskih modula.

#### Član 4.

Izvršilac usluga garantuje blagovremeno i stručno izvršenje usluga, a u slučaju reklamacije na nekvalitetno i nestručno obavljene usluge, koje za posljedicu imaju problem i teškoće u funkcionisanju instaliranih modula obavezuje se na ponovno izvršenje istih o svom trošku.

#### Član 5.

Izvršilac usluga garantuje da će u slučaju pada baze podataka, u slučaju bilo kakvih poremećaja u funkcionisanju sistema, kao i u drugim slučajevima nastanka drugih problema, obezbijediti blagovremenu intervenciju najkasnije naredni dan po prijavi.

Član 6.

O svim eventualnim reklamacijama za izvršene usluge koje su predmet ovog Ugovora, Ugovorni organ će upozoriti Izvršioca usluga i odrediti mu primjeren rok za ponovno izvršenje reklamirane ugovorene obaveze.

Ako do isteka tog roka Izvršilac usluga ne postupi po zahtjevu Ugovornog organa, Ugovorni organ može raskinuti ovaj Ugovor i zahtijevati isplatu ugovorne kazne u iznosu od 5% od vrijednosti ovog Ugovora, kao i naknadu štete uzrokovane neizvršenjem obaveza u skladu sa ugovorenim.

Član 7.

Ukoliko u toku izvršenja ovog Ugovora nastupe okolnosti koje se u vrijeme zaključenja nisu mogle predvidjeti, a koje utiču na njegovo izvršenje, ugovorne strane će preispitati te okolnosti i sporazumno utvrditi novi rok za završetak ugovorenih obaveza.

Izvršilac usluga je dužan da o nastalim nepredviđenim okolnostima zbog kojih je ometen u izvršenju Ugovora odmah pismeno obavijesti Ugovorni organ.

Član 8.

Ugovorni organ se obavezuje:

- da stručnim licima Izvršioca usluga omogući nesmetan pristup na svim lokacijama na kojima je potrebno izvršiti poslove koji su predmet ovog Ugovora;
- da detaljno i jasno specificira svoje zahtjeve u pogledu izrade i održavanja modula;
- da obezbijedi uslove za rad koji neće ugrožavati sigurnost i zdravlje osoblja;
- da slijedi i poštuje proceduru prijave problema u funkcionisanju modula;
- da nestručnim osobama ne dozvoli pristup modulu.

Član 9.

Ugovorne strane su saglasne da za izvršenje ovog Ugovora, koordinaciju i prijavu problema, zaduže i ovlaste osobe za kontakt, te da imena ovih osoba sa brojem telefona i adresom e-maila za kontakt, dostave pismenim putem nakon stupanja na snagu ovog Ugovora.

Prijava problema i nedostataka na instaliranim modulima vrši se putem telefona ili e-maila ovlaštenoj kontakt osobi.

Član 10.

Ugovorne strane se obavezuju na pridržavanje zakonskih propisa, čuvanja poslovne tajnosti i pridržavanja poslovnih običaja.

Izvršilac usluga je dužan da obezbijedi da sve informacije i sva saznanja o poslovanju Ugovornog organa koje sazna u toku izvršenja ugovorenih usluga čuva kao poslovnu i profesionalnu tajnu.

Podaci za koje Izvršilac usluga sazna slučajno, po prirodi posla, također se smatraju poslovnom tajnom.

Član 11.

Ugovorne strane mogu ovaj Ugovor raskinuti i prije njegovog isteka ukoliko se jedna od ugovornih strana ne bude pridržavala odredaba istog, uz predhodno izmirenje svih ugovorenih obaveza.

Član 12.

Otkazni rok po ovom Ugovoru je 30 dana, od dana prijema pismenog obavještenja o otkazu Ugovora, a po isteku ovog roka, Ugovor se smatra raskinutim.


Član 13.

Sve eventualne sporove koji nastanu u toku realizacije ovog Ugovora, ugovorne strane će nastojati riješiti sporazumno, a ukoliko to ne bude moguće, za rješavanje sporova nadležan je sud u Sarajevu.

Član 14.

Ovaj Ugovor je sačinjen u četiri (4) istovjetna primjerka, od kojih svaka strana zadržava po dva (2) primjerka.

IZVRŠILAC USLUGA:




Broj: 414-02-11/17

Sarajevo, 16.11.2017.



UGOVORNI ORGAN:



Broj: 11-1673-4/17

Sarajevo, 14.11.2017.god.